

黃氏逸書考

子史鈎沈

逸書考

謝靈運晉書

甘泉黃奭學

禪位表

禪位表曰夫唐虞內禪無兵戈之事故曰文
德漢晉外祥有翦伐之事故曰順名以名而
言安得不僭稱以爲禪代邪

文選干令升晉
武帝革命論注

竹花

元康二年春二月巴西界竹花紫色結實如

麥

初學記二十八
春二月三字

御覽九百二十一引無

太尉

秦有太尉掌兵漢仍修之或置或省是故司馬之官主九伐之職

初學記十一 御覽二
百七

三臺

漢官尚書爲中臺御史爲憲臺謁者爲外臺是爲三臺自漢罷御史大夫而憲臺猶置以丞爲臺主中丞是也

初學記十二 御覽二
百二十六

八座

古者重武事貴射御取其捷御如僕各置一

人尚書六人謂之八座參攝百揆出經王命

古元凱之任也初學記十一 御覽二百十

中書

以其總掌禁中書記謂之中書初學記十一

漢成帝以後無復中書之職初學記十一

禁絹扇

孝武節奢飾禁絹扇初學記二十五 藝文

禁絹扇 白帖扇引同書鈔

愍懷太子妃

王彌入於京師焚燒宮廟六宮幽辱愍懷太
子妃拔刃拒賊曰吾皇太子妃義不爲逆胡
所污遂見害

御覽四百三十九

平史鈎沈

逸書

臧榮緒晉書

甘泉黃奭學

高祖宣帝

宣帝追號曰高祖

文選潘安仁關中詩注

遼東太守公孫文懿反詔宣帝討之發自京東都過魏温詔郡守已下皆會幕次父老故舊讌飲累日

初學記九

諸葛亮率衆出斜谷高祖拒亮遂濟渭水背水爲壘

初學記六

宣帝鎮關中諸葛亮攻郿據渭水南五丈原
帝禦之對壘相持百餘日俄而亮卒御覽五十七

太祖文帝

文帝諱昭文選石季倫王明君辭注

文帝號曰太祖文選潘安仁關中詩注

世祖武帝

帝諱炎字安世崩諡曰武文選潘安仁西征賦注又聞居賦注
引諡曰作上號

武帝號曰世祖文選潘安仁關中詩注

晉武採漢魏之號以擬周之六官置貴嬪夫人貴人是爲三夫人淑妃淑媛淑儀脩容脩華脩儀婕妤好容華充華是爲九嬪又置美人才人中才人以爲散職

初學記十

世祖以皇太子富於春秋命講孝經於崇政殿

文選潘安仁爲賈謐作贈陸機詩注

孝惠帝

帝諱衷字正度武帝崩太子卽皇帝位

文選潘安

仁西征賦注

惠帝永康二年禪位於趙王倫倫以兵留守
衛上號曰太上皇改金墉曰永安宮中書令
繆播云太史案星變事當有免官天子文選
升晉紀總論注案晉書帝紀趙王倫篡位事
在永安元年下合

肅宗明帝

明帝諱紹字道畿元帝太子也

文選庾元規讓中書台表

注

哀帝

哀帝興寧二年省司農之職至孝武寧康復

置也 書鈔五十四

廢帝海西公

太和元年桓温表率方伯北伐秋九月王師
敗績於枋頭温自廣陵屯於白石集百官於
朝堂稱崇德太后詔廢帝爲東海王妖賊盧
悚遣弟殿中監許龍晨到稱太后密詔奉迎
興復帝曰我得罪到此幸蒙寬宥豈敢妄動
且太后有詔便宜官屬來迎何得如此必狂
亂因叱左右縛之龍懼逸走由是朝廷以帝

安於屈辱無僥倖之望不復懷疑帝亦知天命不再而深慮人禍乃閉聰塞明無思無慮終日酣暢耽於內寵有子不養庶保天年吳人憐之爲作歌謠帝崩於吳宮年三十五因葬吳地

御覽九十九案晉書帝紀帝廢在太和六年元年誤

武元楊皇后

武帝泰始中大採擇公卿子女以充六宮使楊后簡選后如不取端正妙好唯取長白肥大貌粗舉則取

初學記十

武悼楊皇后

武悼楊皇后廢在金墉城與母高都君麗氏
共止高都君臨刑后持抱號叫不食而崩
覽御

二百二

惠羊皇后

惠羊皇后諱獻容泰山南城人也父玄之字
弘獻永康元年立爲皇后將入宮衣中有火
永興元年河間王顒使將張方廢后於金墉
城七月陳暉等唱伐成都王復后位八后張

方又廢后十一月張方逼遷大駕幸長安留
臺復后位永興二年張方又廢后河間王顒
矯詔賜后死劉暉等上表后得免帝還洛迎
復后位後洛陽令何喬又廢后懷帝卽位尊
后爲皇太后

晉書懷帝紀
作惠皇后

居弘訓宮洛陽敗

沒於劉曜僭位以爲皇后因問曰朕何如
司馬家兒后曰胡可並焉陛下開基之聖主
彼亡國之暗夫有一婦一子及身三耳不能
庇之貴爲帝王而妻子辱於凡庶之手妾爾

時實不思生何圖復有今日妾生於高門嘗
謂世間男子皆然自奉巾櫛以來始知天下
有丈夫耳矐甚愛寵之生二子而死偽諡獻
文帝后 御覽一百三十八

懷王皇太后

懷王皇太后諱媛姬初入武帝宮拜中才人
早崩懷帝卽位追尊曰皇太后 御覽一百三十八又一百四十四引崩作卒

梁皇后

梁皇后諱蘭璧安定人也祖桓鴻季

有脫儀誤

同三司父芬司徒后初爲豫章王妃懷帝卽

位爲皇后永嘉中沒胡賊

御覽一百三十八

扶風王駿

扶風王駿字子臧宣帝第七子也都督雍梁

州諸軍事後薨民吏樹碑讚述德範長老見

碑者無不拜之言其遺愛如此

文選任彥昇爲范始興作

求立太宰碑表注

齊王攸

齊獻王司馬攸字文猷晉文少子太后崩執
喪過哀動必盡禮左右或以稻米干飯丸理
中丸以進王對之涕泣不食終三年杖然後
起人有犯諱者常悲不自勝御覽四百十二

成都王穎

成都王穎字章度趙王倫篡位穎與齊王冏
誅之進位大將軍文選陸士龍大將軍誡會
被命作詩注

成都王穎遣趙驤爲前鋒倫遣孫會等前驅
未及溫十餘里大戰孫會先退諸軍相次奔

潰穎尋過河入於京師

文選同上

秦王柬

秦王柬武帝第三子也初封南陽王後徙封

秦王

文選潘安仁夏侯常侍誄注

吳王晏

吳王晏字平度武帝第二十三子封吳

文選陸士

衡答賈長淵詩注

南陽王保

南陽王保字景度太尉模世子或以南陽王

爲秦王非也

文選于令升晉紀總論注

武陵王

武陵王令曰荆州勢據上流將軍休之委以分陝之重

文選任彥升齊竟陵文宣王行狀注

賈后女彥

賈后二女宣華女彥封宣華弘農郃公主女彥年八歲聰明歧嶷便能書學諷論病困賈后欲議封女以長公主彥語后曰我尙小未及成人禮不用公主及薨謚哀獻皇女以長

公主禮送葬

藝文十六脫末二字 御覽一百五十二欲議封女下無以長

公主四字

王祥

王祥字休徵後母朱氏思生魚時河水冰堅祥朝朝冒厲風於河涯伺魚一朝忽冰開小穴有雙鯉跳出

初學記七

御覽六十八

王祥繼母朱氏不慈而祥愈恭謹母有疾常欲生魚時天寒冰凍祥解衣將剖冰求之冰忽自解雙鯉從穴躍出祥持歸以奉母母疾

愈書鈔一百五十八

鄭冲

鄭冲字文和滎陽人也位至太傅

文選阮嗣宗為鄭冲

勸晉王賡注

何曾

何曾字穎考陳國人也曾弱冠累遷散騎侍郎給事黃門郎

文選應休璉與侍郎曹長恩書注

何劭

何劭字敬宗陳國人也博學多聞善屬篇章

初爲相國掾稍遷尙書左僕射薨

文選何敬宗遊仙詩

注

何劭襲封朗陵郡公

文選傳長虞贈何劭王濟詩注

何劭爲散騎常侍遷侍中

文選同上

惠帝卽位劭爲太子太師

文選張茂先答何劭詩注

石苞

石苞字仲容太祖輔政都督揚州諸軍事進

位征東大將軍

文選孫子荆爲石仲容與孫浩書注

石崇

石崇字季倫渤海人也早有智慧稍遷至衛尉初崇與賈謐善謐既誅趙王倫專任孫秀崇有妓曰綠珠秀使人求之崇不許秀勸倫殺崇遂遇害

文選石季倫王明君辭注

崇早有智慧年二十餘爲修武令有能名

文選

石季倫思歸引序注

崇爲大司農坐未被書擅去官免崇後爲太僕

文選同上

孫鑠

孫鑠補吏部令史嘆曰天臺乃以公府掾爲
令史苦哉諸人並清列不升卑雜而我獨屯
塞不通如何遂就職遷尙書郎

書鈔六十

羊祜

羊祜字叔子泰山人能屬文爲中書郎陳留
王立封鉅平子世祖受禪加散騎常侍後以
祜都督荊州諸軍事又爲車騎將軍開府儀
同三司祜表讓後以祜爲征南大將軍開府
辟召儀同三司薨

文選羊叔子讓開府表注

羊祜薨於是街衢塗巷傳哭接音邑里相達
文選沈休文齊故安陸昭王碑文注

杜預

杜預字元凱京兆人也起家拜尚書郎稍遷
至鎮南大將軍都督荊州諸軍事平吳加位
特進薨文選杜預春秋左傳序注

裴秀

裴秀字秀彥河東人也常道鄉公立與議定
策遷尚書僕射世祖受禪進左光祿大夫
文選

王仲寶褚淵碑文注

裴楷

裴楷字叔則河東人也爲尚書郎吏部郎缺
太祖問其人於鍾會會曰裴楷清通王戎簡
要皆其選也是以楷爲吏部郎

文選王仲寶
褚淵碑文注

裴紹

孝懷詹事裴紹息猷尙滎陽公主紹字承伯
秀從兄子猷不願婚紹在中書卽聘温嶠妹
中丞傅宣奏猷大不敬

御覽一百五十二

衛瓘

衛瓘字伯玉每議及經國屢形於言色晉祖
恐大臣諫瓘嘗因宴飲醉手撫御牀曰此坐
可惜御覽四百五十三

衛玠

衛玠字叔寶好言玄理拜太子洗馬常以人
有不及可以情恕非意相干可以理遣故終
身不見喜愠之色文選王彥昇爲蕭揚州作
薦士表注

張華

張華字茂先范陽人也少好文義博覽墳典
爲太常博士兼中書郎雖棲處雲閣慨然有
感作鷦鷯賦後詔加光祿大夫封壯武郡公
遷司空爲趙王倫所害

文選潘安仁秋興賦注

吳滅封張華廣武侯

文選何敬祖贈張華詩注

武帝崩華爲太子少傅

文選司馬紹統贈山濤詩注

王沉

王沉字處道少孤爲從叔司空昶所養沉事

昶如父

御覽五百十三

荀顗

荀顗字景倩潁陽人也魏太尉或之第六子
黃初末除中郎高祖輔政見顗異之曰顗令
君之子也近見袁侃亦曜卿之子也皆有父
風

文選王彥昇爲蕭揚州作薦士表注

荀顗綜覈名實風流澄一

文選王仲寶褚淵碑文注

荀勗

荀勗爲安陽令遺愛在民生爲立祠

書鈔七十八

賈充

賈充字公閭封魯公爲司空轉太尉薨贈太

宰諡武公

文選潘安仁閒居賦注

晉太祖爲大將軍以賈充爲司馬右長史及

世祖受禪轉太宰

文選陸士衡答賈長淵詩注

賈充前妻李氏生二女荃濬禁錮解

句有脫誤當云

禁錮李氏不解

荃等屢請充迎其母而父不判充當

鎮關中屯軍城西爲供帳受百官餞荃濬遂

突出於坐中叩頭流血訴充并陳說羣客以

母應還之意荃是齊獻王之妃衆賓皆驚起

散出充甚愧愕

御覽一百五十一

賈充後妻郭氏又生二女少有淫行年十四五通於韓壽充未覺時外國獻奇香世祖分與充充以賜女充與壽坐聞其衣香心竊疑之充家嚴峻牆高丈五薦以枳棘周行東北角如狐狸行處充潛殺知婢遂以女妻之

藝文三十五

賈謐

謐父韓壽河南尹母賈充少女也充卒不議

立後充後妻郭槐輒以外孫韓謚爲黎民子

襲封槐自表陳是充遺意也帝許之以謚爲

魯公

文選陸士衡答賈長淵詩注

劉寔

劉寔字子道爲吏部郎坐選稽遲免官

書鈔六十

劉智

咸亨四年詔曰南陽王師劉智學行優著其

以智爲國子祭酒

書鈔六十七

山濤

山濤字淳元，疋疾不仕。世祖聞其短小而聰敏，欲見之。濤面答淳元，自謂形容宜絕人事，不肯受詔論者，奇之。御覽三百七十八

王湛

王湛字處沖，司徒渾之弟也。兄子濟輕之，嘗詣湛，見牀頭有周易，問曰：「叔父何用此爲？」湛曰：「體中佳時脫，復看耳。」濟請言之，湛因剖析玄微妙，有奇趣，皆所未聞也。濟才氣抗邁，於湛略無子姪之敬。旣聞其言，不覺慄然心體。

俱肅遂留連彌日累夜自視缺然乃嘆曰家
有名士三十年而不知濟之罪也濟有從馬
難乘濟問湛曰叔頗好騎否湛曰亦好之因
騎此馬姿形既妙迴策如素善騎者無以過
之又濟所乘馬湛愛之湛曰此馬雖快然力
薄不堪苦行近見督郵馬當勝但芻秣不至
耳濟試養之而與己馬等湛又曰此馬雖快
任重方知之平路無以別也於是當蟻封內
試之濟馬果躓而郵馬如常濟益嘆異還曰

其父曰濟始得一叔乃濟以上人也武帝亦以湛爲癡每見濟輒調之曰卿家癡叔死未濟常無以答及是帝又問如初濟曰臣叔殊不癡帝曰誰比濟曰上比山濤不足下比魏舒有餘湛聞曰欲處我季孟間乎

御覽五百十二

王戎

王戎少阮籍二十餘年相得如時輩遂爲竹林之遊

御覽五十七

華表

咸熙五年詔曰華表

下有字偉容三字當衍

清賢履道

內貞外順歷位忠恪言行不玷其以表爲太常卿

御覽二百二十八

石鑿

石鑿以才幹習於從政敢斷無疑再爲司隸

校尉

書鈔六十一

劉毅

武帝詔曰劉毅博學多聞其以毅爲散騎常

侍國子祭酒

書鈔六十七

劉毅爲尚書左僕射上疏陳九品之弊曰上

品無寒門下品無勢族

文選沈休文恩倖論注

武帝問劉毅曰卿以吾可方漢何帝也對曰
可方桓靈帝曰吾德雖不及古人猶克已爲
政又平吳會一國一同天下方之桓靈不亦
甚乎

初學記九

劉暉

劉暉五爲司隸允協物情故也

書鈔六十一

和嶠

和嶠字長輿

文選潘安仁閒居賦注

和嶠爲黃門侍郎遷中書令舊監令共車入朝及嶠爲令荀勗爲監嶠不禮勗常以意氣加之每同乘高抗專車而坐乃使監令異車自嶠始也

文選任彥升王文憲集序注

劉頌

劉頌辟相府掾奉使於蜀時蜀新平人飢土荒頌表求振貸未報頌乃開倉出穀蜀民賴之由是除民

書鈔六十八

傅玄

傅玄字奕休北地人勤學善屬文州舉秀才
稍遷至司隸校尉卒

文選傅奕休雜詩注

傅咸

傅咸以議郎長兼司隸校尉咸前後固辭辭
旨懇切上不聽勅使者逼就拜授咸悲顛傷
咽以身無兄弟職無假到官之日喪祭無主
重自陳乞遂不見聽聽於官舍設靈坐朔望
奉祭臥病治職時朝廷寬弛豪右放恣郡縣

民國甲戌

臧箴者晉書

十七江都朱氏

容縱寇賊充物攻篡囚徒掠奪市道交私請
托朝野溷淆咸於是奏免河南尹京都肅然
貴戚憚之數月之間三奏免選官奏按讐謬
終無屈撓雖不見從有司肅然

御覽二百五
十

阮籍

阮籍隨叔父至東兗州刺史王昶聞籍才奇
偉請與相見乃嘆息以不能測也

御覽一百
五十一

魏帝封晉太祖爲晉公太原等十郡爲邑進
位相國備禮九錫太祖讓不受公卿將校皆

詣府勸進阮籍爲其辭

又選阮嗣宗爲鄭冲勸晉王賡注

籍拜東平相不以政事爲務沉醉日多善屬文初不苦思率爾便成作五言詩詠懷八十一餘篇爲世所重

文選顏延年五君詠注

阮籍雖放誕不拘禮數然發言玄遠口不評論臧否人物

文選同上又王彥升爲蕭揚州作薦士表注引至玄遠又劉越

石答盧謚詩注引至禮數

阮籍字嗣宗陳留尉氏人也容貌瑰傑志氣宏放蔣濟辟爲掾後謝病去爲尙書郎遷步

兵校尉卒

文選阮嗣宗詠懷詩注

太尉蔣濟聞籍有才儁而辟之詣都亭奏記
初濟恐籍不至得記欣然遣卒迎之而籍已
去濟大怒於是鄉親共喻之籍乃就吏後謝
病歸復爲尙書郎籍本有濟世志屬魏晉之
際天下多故遂酣飲爲常文帝初欲爲武帝
求婚於籍籍醉六十日不得言而已

文選阮嗣宗詣

蔣公注

嵇康

稽康字叔夜譙國人幼有奇才博覽無所不

見拜中散大夫以呂安事誅

文選稽叔夜琴賦注

嵇康拜中散大夫東平呂安家事係獄辭相

繼引遂復收康

文選江文通恨賦注

稽康爲竹林之遊預其流者向秀劉靈之徒

文選向子期思舊賦注

劉伶

劉伶字伯倫沛國人也志氣曠放以宇宙爲

狹著酒德頌爲建威將軍以壽終

文選劉伯倫酒德頌

御覽五百八十八將軍作參軍當從之

伶潛默少言常乘鹿車攜一壺酒

文選顏延
作五君詠

注

向秀

向秀字子期河內懷人也始有不羈之志與
嵇康呂安友善康既被誅秀應本州計入洛
太祖問曰聞有箕山之志何以在此秀曰以
爲巢許未達堯心是以來見反自役作思舊

賦後爲黃門郎卒

文選思舊賦注

呂安

呂安字仲悌東平人也

文選向子期思舊賦注

呂安才氣高奇

文選潘安仁馬汧督誄注

庾峻

庾峻爲御史中丞威而不尅

書鈔六十二

庾敬

庾敬字子嵩參太傅軍事從子亮少時見敬
在太傅府多名士皆一時秀異敬處其中常

自神王

御覽二百四十九

庾純

咸寧三年詔曰議郎庾純篤志好古敦說詩書儒行也宜訓導國子

書鈔六十七

摯虞

太尉荀顛先受太祖勅述新禮太康初尚書僕射朱整奏付尚書郎摯虞討論之虞表所宜增損條目改正禮新昔異狀凡十五事

文選

任彥升王文憲集序注

皇甫謐

皇甫謐字士安安定朝那人年二十始受書
得風痺疾猶手不輟卷舉孝廉不行又辟蒞
作不應卒於家

文選皇甫士安三都賦序

左思作三都賦世人未重皇甫謐有高名於
世思乃造而示之謐稱善爲其賦序也

同上

朱整

朱整爲尚書僕射領吏部以公清爲性持真
勵志

書鈔五十九

郗詵

晉書列傳作郗詵

鄒詵爲雍州刺史帝於東堂餞之問詵曰卿
自以爲何如詵對曰臣舉賢良對策爲天下
第一猶桂林之一枝昆山之片玉世祖笑侍
中奏免詵詔曰吾與之戲耳

御覽五十七

華譚

華譚移前松滋令袁甫曰枯澤非應龍之泉
平林非鸞鳳之窟

御覽五十七

陸機

機字士衡吳郡人祖遜吳丞相父抗吳大司

馬機少襲領父兵爲牙門將軍年二十而吳
滅退居舊里與弟雲勤學積十餘年譽流京
華聲溢四表被徵爲太子洗馬與弟雲俱入
洛司徒張華素重其名相見如舊相識以文
呈華天才綺練當時獨絕新聲妙句係蹤張
蔡機妙解情理識文體作文賦文選陸士衡
文賦注
太熙末太傅楊駿辟機爲祭酒駿誅徵爲太
子洗馬吳王出鎮淮南以機爲郎中令繼轉
殿中郎又爲著作郎文選陸士衡謝平原內
史表注又皇太子宴玄

園宣猷堂庚子系年有令賦詩注引楊駿誅徵機爲太子洗馬又贈馮文熙遷斥邱令詩注引同又答賈長淵詩注引吳王出鎮淮南以機爲郎中令又潘安仁爲賈謐贈陸機詩注引太熙末太傅楊駿辟機爲祭酒

機爲尙書中兵郎

文選陸士衡答賈長淵詩注

成都王表理機起爲平原內史到官上表謝

恩

文選陸士衡謝平原內史表注

機惡齊王問矜功自伐受爵不讓及齊亡作

豪士賦

文選陸士衡豪士賦注

夏侯湛

夏侯湛字孝若譙國人也美容儀才華富盛
早有名譽與潘岳友善時人謂之連璧爲散
騎常侍

文選夏侯孝若東方朔畫贊注

湛早有名譽爲太尉掾

文選潘安仁夏侯常侍誅注

湛舉賢良對策拜郎中補太子舍人轉尙書
郎出宰野王令

文選同上

湛除中書侍郎出補南陽相

文選同上

湛族爲盛門性頗豪侈甘食美服窮滋極珍
文選同上

夏侯孝若爲野王令居邑累年朝野多嘆其

屈除中書郎

藝文四十八

御覽二百二十

湛將沒遺命小棺薄斂不修封樹

文選潘安仁夏侯常

侍誅注

潘岳

岳父芑琅邪內史

文選潘安仁懷舊賦注

潘岳字安仁滎陽中牟人總角辯慧擿藻清

豔鄉邑稱爲奇童弱冠辟司空太尉府舉秀

才高步一時爲衆所疾

文選潘安仁藉田賦注又西征賦注引岳

弱冠辟太尉府掾又閒居賦注引岳弱冠太尉舉秀才

賈充爲太尉岳爲賈充掾文選潘安仁秋興賦注

楊駿爲太傅輔政高選吏佐引岳爲太傅主

簿駁誅除名文選潘安仁閒居賦注

泰始四年正月丁亥世祖初藉於千畝司空

掾潘岳作藉田賦文選潘安仁藉田賦注

岳爲長安令作西征賦述行歷論所經人物

山水也文選潘安仁西征賦注

岳出爲河陽令轉懷令文選潘安仁閒居賦注

岳頌宰二邑勤於政績調補尚書郎遷廷尉
平爲公事免官

文選同上又西征賦注引岳遷廷尉平爲公事免官

潘尼

潘尼字正叔拜太子舍人上釋奠頌

書鈔六十六

文選潘正叔贈陸機出爲吳王郎中令詩注引正叔元康初拜太子舍人

潘尼性澹退唯以著述爲事永興末爲中書

令 藝文四十八 御覽二百二十

潘尼字正叔爲中書令三王戰爭皇家多故
尼職居顯要從容而已雖憂虞不及而嘗備

艱難 書鈔五十七

張載

張載父收爲蜀郡太守載隨父入蜀作劔閣銘益州刺史張敏見而奇之乃表上其文世祖遣使鑄石記焉

文選張孟陽劔閣銘注

張載字孟陽武邑人也有才華起家拜著作佐郎稍遷領著作遂稱疾抽簪告歸卒於家

文選張孟陽七哀詩注

張協

張協字景陽載之弟也兄弟並守道不競以
屬詠自娛少辟公府爲黃門侍郎因托疾遂
絕人事終於家

文選張景陽詠史詩注

孫楚

孫楚字子荆太原人也征西扶風王駿與楚
舊好起爲參軍梁令衛軍司馬爲馮翊太守
卒

文選孫子荆征西官屬送於陟陽候詩注

周處

周處封章浦亭侯

寰宇記江南東道常州宜興縣

馬敦

汧督馬敦立功孤城爲州司所枉死於囹圄

岳誅之

文選潘安仁馬汧督誄注

羅憲

羅憲兄子尙字敬之少孤依叔父憲

御覽五百十二

吳彥

吳彥爲交州刺史在鎮二十餘年威恩宣著

南州寧靜自表求代徵爲大長秋

書鈔五十四陳補

程咸

太始十年詔程咸歷職左右劬勞內侍乃心
在公夙夜不懈以咸爲散騎常侍左通直郎
書鈔五十八

程收

程收有清名德望歷位太子舍人
書鈔六十六
六又引程
收清惠有才行爲太子舍人

張肅

劉曜逼長安涼州刺史張寔叔父西海太守
肅請爲先鋒擊曜曰狐死首邱心不忘本鍾

儀在晉楚弁南音肅受晉寵割符列位羯逆
滔天朝廷傾覆宴安裔難至不奮何以爲人
寔曰門戶受重恩自當闔宗効死但叔父春
秋已高氣力衰竭軍旅之事非耆耄所堪乃
止旣而聞京師陷沒肅悲憤而卒

御覽五百
十二

劉琨

衆人謂琨詩懷帝王大志

文選盧子諒贈劉
琨詩注

琨卒後贈太尉

文選江文通雜體詩注

琨妻卽諶之從母也

文選劉越石答盧諶詩
注

盧諶

琨詩托意非常想張陳以激諶諶素無奇畧
以常辭酬琨

文選劉越石重贈盧諶詩注

段匹磾

鮮卑段匹磾自號大將軍

文選劉越石答盧諶詩注

陶侃

陶侃語人曰大禹聖人乃惜寸陰至於衆人
當惜分陰參佐或以戲廢事者乃取其蒲博
棊局之物悉投於江

初學記六

賀循

賀循牋曰日夜憂懷慷慨發憤

文選沈休文齊故安陸昭

王碑文注

周顛

周顛字伯仁少有重名太尉東海王越出鎮兗州以顛爲參軍深見器遇

書鈔六十九

熊遠

熊遠議曰履端元日正始之初有識之士於是觀禮樂榮耳目之觀崇玩弄之好

初學記四御

郭璞

郭璞字景純河東人璞性放散不修威儀爲
佐著作後轉王敦記室參軍敦謀逆爲敦所
害有人見其睡形變鼯云是鼯精也

文選郭景純江

賦注

晉王將卽祚郭璞占國家徵得豫之睽案卦
會稽郡當出鐘應在人家井中得之後會稽
剡縣人陳清在井中得鐘形製尤精也

初學記此

璞卒後贈弘農太守

文選江文通雜體詩注

范汪

范江字玄平博學多通友善

二字有脫誤

解褐參

軍

書鈔六十九汪譌作任

陳眎

陳眎字國鎮過江爲少府卿時大旱經久大興四年四月始雨有司奏應報賽宗廟山川中宗詔曰祈廟云報賽非奉尊上辭也吾意有疑眎以爲舊山川有所報故雨應賽非大

事不應告廟子無要君親之道瀆祭稱賽於
義有違從之

御覽二百三十六 案跡疑作
珍

何充

何充少有名望大將軍王敦收羅賢俊辟爲

主簿

書鈔六十九

殷浩

殷浩字深源陳郡長平人也叔父融俱好老
易融與浩口談詞屈著篇則融勝浩由是爲
風流談論者所宗

御覽五百十二

孔愉

孔愉字敬康會稽山陰人愉少時嘗得一龜
放於溪中龜中流左顧數過及鑄侯印而龜
左顧更鑄亦然印工以告愉悟取佩焉

初學
記三

謝安

謝安字安石於東山營墅樓館林竹甚盛每
攜中外子姪來遊集餽饌亦屢費百金世頗
以此譏焉安殊不以屑意

御覽五百十二

謝玄

謝玄字幼度以勲封康樂縣公陳以先封東興侯賜兄子玩詔聽之更封玩豫章伯

御覽五百

謝混

謝混少有美譽善屬文爲尚書左僕射以黨劉毅被誅

文選謝叔源遊西池詩注

司馬彪

司馬彪字紹統少篤學拜騎都尉太始中爲

秘書郎轉丞後拜散騎侍郎終於家

文選司馬紹統

贈山濤詩注

王延

王延九歲喪父母卜氏遇之無道延事之夏則扇枕席冬則以身溫之盛寒體無全衣而親極滋味

御覽四百十二

何琦

何琦曰胡孔明有言隱者在山樵者亦在山在山則同所以在山則異

文選謝靈運田南樹園激流植接注

嵇紹

嵇紹事母至孝和色柔聲常若不足謹身節儉朝夕孜孜親執刀俎非無使伎以他人不如己之至誠也

御覽四百十二

劉沉

劉沉字道真世爲北州名族博學好古辟衛瓘屬

御覽二百四十九

易雄

譙王承爲湘令易雄爲主簿佐史逃散雄毀

服爲僮豎從之親執勞辱

書鈔七十三

魯芝

魯芝字世英耽思墳籍研精稽古自三代之
奧典聖人之微言皆該覽焉大將軍曹爽輔
政高選賢明以爲官屬延芝爲司馬

御覽二百三十八

魯芝字世英扶風人也耽思墳籍爲鎮東將

軍光祿大夫

文選羊叔子讓開府表注

杜軫

杜軫遷池陽令爲十二郡最池陽百姓爲立祠焉

書鈔七十八

曹攄

曹攄字顏遠譙國人也篤志好學參南國中郎將遷高密王左司馬流人王通等侵掠城邑攄與戰軍敗死之

文選曹顏遠思友人詩注

鄧攸

鄧攸逃奔石勒負其妻子而去擔其兒及其弟子綏度不能兩全遂棄其己子卒以無嗣

綬服攸喪三年

御覽五百十二

吳隱之

吳隱之爲晉陵太守布政簡惠

文選任彥升齊竟陵文宣

王行狀注

范晔

范晔字彥長南陽順陽人少遊學清河遂徙

家僑居郡命爲五官掾

御覽二百六十四原譌爲范畧

徐苗

徐苗字叔胄高密淳于人也其弟皆早亡撫

養遺孤慈愛州里田宅奴婢盡推與之

御覽五百

十二

徐邈

徐邈字先民姿性端雅一時儁彥

書鈔六十五

徐邈爲前衛率在東宮朝夕入見將順匡救

拾遺補缺

書鈔同上

成公綏

成公綏字子安東郡白馬人少有俊才口吃張華一見甚善之時人以貧賤不重其文仕

至中書

文選成子安囑賦注

左思

左思字太冲齊國人少博覽文史欲作三都賦乃詣著作郎張載訪岷邛之事遂構思十稔門庭藩溷皆著紙筆遇得一句卽疏之徵爲秘書賦成張華見而咨嗟都邑豪貴競相傳寫

文選左太冲三都賦序注

書鈔一百

二引左思少博覽史記作三都賦遂構思十年門庭藩溷皆著紙筆賦成已下同

王讚

王讚字正長義陽人也博學有俊才辟司空掾歷散騎侍郎卒

文選王正長雜詩注

李充

李充字弘度爲著作郎於時典籍混亂刪除煩重以類相從分爲四部甚有條貫秘閣以爲永制五經爲甲部史記爲乙部諸子爲丙部詩賦爲丁部

文選任彥升王文憲集序注疑五經四句是李善語

孫登

孫登嘗經宜陽山作炭人見之與語登不應

作炭者覺其精神非常咸共傳說太祖聞之
使阮籍往觀與語亦不應因大嘯登笑曰復
作向聲又爲嘯求與俱出登不肯籍因別去
登上峯行且嘯如簫韶笙簧之音聲振山谷
籍怪而問作炭人作炭人曰故是向人聲籍
更求之不知所止推問久之乃知姓名

水經
洛水

朱沖

朱沖字巨容躬植禾藝蔬鄰牛侵犯持芻送

牛而無惧色

御覽八百三十九

劉麟之

劉麟之好遊常採藥至衡山深入忘返見有
澗水南有二石困一開一閉水深不得過

初

記五

書鈔一百六十陳補

王敦

王虞爲鄱陽太守有枯梓樹更生王敦表勸
進中宗曰皓獸應瑞而來臻梓樹久枯而更
榮

藝文十

徐劭

太祖遣徐劭孫郁至吳石苞令孫楚作書與

孫皓劭至吳不敢爲通

文選孫子荆爲石仲容與孫皓書注

杜機

杜機字行齊除國子祭酒皇太子禮之執經

問焉

書鈔六十七

爰邵

爰邵字文伯老乞骸骨詔聽如所上拜大中

大夫賜錢三十萬牀帷薦褥祿賜與卿同

書鈔

臧榮緒晉書

五十六邵原訛作郡

劉恢

劉恢字真長沛國人也爲丹陽尹性重莊老
文選任彥升王文憲集序注

王謚

司徒王謚議曰夷庚未入乘輿旋館
文選辯
亡論上

辟閭訓

辟閭訓字祖明樂安人也沒石勒爲幽州刺

史

文選劉越石勸進表注

石濬

石濬字景倫清儉鑒識敬愛人物爲黃門郎
兩官爲當時名士

書鈔五十八

張安石

張安石爲僕射詔曰尚書張安石內讚治道
外綏戎政可尚書僕射吏部後加將軍

陳畧

陳畧字永曜有譽西湖渡江爲太子太保

書鈔

陳陽

安帝義熙十二年左衛兵陳陽於本府前淮
水中得玉璽一枚

初學記六十八陳補

書鈔一百五

長孫畧

長孫畧字文度以富春車道少動

二字有經脫誤

江水父難於風波每行乘藍車畧長步從遠
者百里每渡浦則親入水扶持藍車

御覽四百十二

謝靈運

安帝卽位改元曰元興靈運初爲良邪王大

司馬行軍參軍

文選謝靈運初去郡詩注

王騰

新蔡王騰發於并州於常山之真定縣遇天大雪平地數丈雪融不積騰怪而使掘之得玉馬高尺許上表獻之

初學記二

苻堅

苻堅北定九州將大舉南伐苻融等咸諫止之不聽曰吾百萬之衆投鞭可以濟江旣至

淝水大爲謝玄等所爲敗

事類賦六

宋武帝

宋武帝行鎮軍將軍

文選 淵明始作鎮軍參軍經曲阿作注

慕容超

慕容超字祖明德之兄北海王納之子也苻堅破鄴以納爲廣武太守數歲去官家於張掖德之南征留金刀而去及垂起兵山東苻昌收德諸子皆誅之納母公孫氏以耄獲免妻段氏方娠未決囚之於郡獄掾呼延評德

故吏也嘗有死罪德免之至是將公孫及段氏逃於羌中而生超焉年十歲而公孫卒臨終授超以金刀曰若天下太平汝得東歸可
以此刀還汝叔也

竇滔妻

竇滔妻蘇氏善屬文苻堅時滔爲秦州刺史被徙流沙蘇氏思之織錦爲回文詩寄滔循
環宛轉以讀之詞甚悽切

事類賦錦

鹵簿

大駕鹵簿有大輦華蓋

文選潘安仁籍田賦注

鹵簿曰青立車青女車赤立車赤安車黃立車黃安車白立車白安車黑立車黑安車合十乘並駕駟建旗十二如車色

文選同上

雲罕車駕駟戟車載關

文選同上

騶六人

文選孔德璋北山移文注

白獸樽

元會設白獸樽於殿上樽蓋上施白獸若有能獻直言者則發此樽按禮白獸樽乃杜與

之遺式爲白獸蓋後代所爲示不忌憚也

書鈔

一百五十五 御覽二十九引此樽下有飲酒二字 事類賦春引無若有二字無者字下作則發樽飲酒乃杜舉之遺式也白獸示不忌憚

賈逵墓生金

懷帝時魏故豫州刺史賈逵墓西碑生黃金

採取卽復生

書鈔一百六十

長公主

帝之姑姊妹皆爲長公主加綠綬

初學記十

百五十二

御覽一

石闕

孫氏無闕大晉南都亦不暇立門闕遂廢

文選

陸佐公石闕銘注

趙高

趙高爲丞相指鹿爲馬持蒲作肉

初學記二十六御覽八百六十三

建平郡

建平郡有信陵縣

文選郭景純江賦注

氏

氏西戎別名

文選潘安仁關中詩注

水竭

永嘉中淮濮水竭

書鈔一百五十八陳補

州郡

華陽黑水惟梁州部巴東郡益州梁州之南
地部蜀郡江州本荊州之東界揚州之南境
也海岱及淮惟徐州部廣陵郡

文選郭景純
江賦注